



Conradus honesto loco apud Germanos natus, atq; optimè educatus est. Is cum præclaro ingenio uterè, à pueris statim literis incubuit, atq; artium & linguarum fundamenta feliciter iecit. Postea ad celebres Germaniæ academias peruenit, atque Philosophiæ, in primis autem in Friburgensi Gymnasio Poëticiæ singulari industria operam dedit, atq; plurimùm profecit. hanc eius eruditionem cum proceres cognouissent, ipsum inter professores receperunt, atq; optimos quosq; Poëtas in sua schola explicare iusserunt. Id quod ipse singulari perspicuitate perfecit, atque auditoribus gratissimus fuit. Collegit is quoq; ex omnibus Græcis atq; La-

tinis Poëtis Epithetorū doctissima commentaria, quæ Rauisij utile opus plurimùm superant, & breui in lucem edentur. Cum hoc modo Conradus innotesceret, atq; etiam altiora studia respiceret, anno 1565 in Italiam sese contulit, & suum ingenium apud uiros doctissimos ulterius excolere instituit. Quod si etiam hic studia sua continuauerit, procul dubio uiris doctissimis adnumerabitur, atq; suis lucubrationibus posteritati plurimùm proderit, id quod uiri prudentes & eruditi passim de Conradi ingenio prædicant. Io. Op.